

ուղղութեամբ՝ պիտի շարունակել աւելի մեծ եռանդով: Որչափ եւ փոքր, նա արժէք ունի, յամենայն դէպս, հաշուի չառնուել չի կարող հակառակորդի կողմից: Միայն թէ՛ նրան տալու է այն նշանակութիւնը, որ ունի իսկապէս, բայց ոչ երբեք՝ աւելին: Վերջին հաշուով՝ ե՛ւ պարսիկը որպէս բարեկամ, ե՛ւ թուրքը որպէս թշնամի՝ հաշուի առնել կարող են մեզ — մեր իրական, մեր սեփական ուժից դատելով: Ինչ որ ասացինք հայ-պարսկական յարաբերութեան մասին, ըստ էութեան նոյնը վերաբերում է նաեւ հայ-թրքական մերձեցմանը: Անցեալը ղեկավար դարձնելու չենք, ի հարկէ, մեր ներկայ եւ ապագայ քաղաքականութեան, բայց, նաեւ մտռնալու չենք նրա դասերը:

Պարսիկների եւ քրդերի օրինակը պարզ ցոյց է տալիս մեզ, որ նաեւ քուրճի վերաբերմամբ քարացած տեսակէտներով առաջնորդուելու չենք: Հարիւր եւ աւելի տարիներ առաջ, երբ խօսք անգամ չկար տաճկահայ դատի մասին, արդէն իսկ գոյութիւն ունէր պարսկահայ դատ: Հայկական-ազատագրական շարժումը նախ եւ առաջ պարսկահայ իրակա-նութեան մէջ ծնունդ առաւ: Հարիւր տարի առաջ՝ Պարսկաստանն էինք համարում հայր ու Հայաստանը ստրկացնողը: Արովեանի «Վէրք Հայաստանի»-ն՝ կարգանք նորից: Եւ սակայն, փոխուեցան ժամանակն ու պայմանները, փոխուեցան նաեւ յարաբերութիւնները: Հարիւր տարի առաջ՝ մեր է՛ն մեծ թշնամին պարսիկն էր համարւում: Թուրքի մասին չէր խօսուում: Յիսուն տարի չանցած՝ պարսիկը արդէն դադարել էր մեզ թշնամի լինելուց եւ դարձել էր բարեկամ: Թուրքն ու քրդըն էին հայի արինախում թշնամիներ մնացել: Եթէ կ'ուզէք՝ քրդը աւելի՛, քան՝ թուրքը: Հայկական Հարցը մինչեւ իսկ այդպէս ձեւակերպուեցաւ — պաշտպանութիւն ո՛չ թէ կամ ո՛չ այնչափ բէժիմի ու ճնշումների, այլ՝ քրդերի եւ չէրքէզների հալածանքների դէմ: Այսօր քրդըն էլ է դադարել մեր թշնամին համարուելուց եւ մնացել է միայն թուրքը: Եւ այսպէս ամէն անգամ, երբ մենք սրբուել ենք մէջտեղից ու թշնամութեան առարկայ չի մնացել: Բայց մի կողմը այդ: Ինչո՞ւ ենք կարծում, որ մի օր էլ հայ-տաճկական յարաբերութիւնները

չեն փոխուիլ, գոնէ մեղմանալ: Ո՛չ միայն հրահարւոր է այդ, այլ եւ, մեր խորին համոզումով, ցանկալի — հէնց մեր, հայկական շահերի տեսակէտից: Դա պէտք է կատարուի, ի հարկէ, երկուստե՛ք: Մենք ալ մեր բաժին պատրաստակամութիւնը հանդէս պիտի բերենք: Գոնէ տեսականօրէն առայժմ մեր ուղեղներում: Չեմ կարծում, որ դրանից բխելիք բարիքները մեր ժողովուրդի համար՝ պակաս լինին, քան ոմանց կարծիքով, սպասուող չարիքը: Մտռնալու չէ, որ Անդրկովկասի սահմաններում իսկ՝ մենք նեղոււմ ենք, զրկոււմ մեր սեփական հողերից, որովհետեւ դիտոււմ ենք որպէս շեշտուած թշնամիներ թրքութեան եւ թուրքիայի: Տեսանք, որ անգամ վրացիք օգուտւմ են մեր դարաւոր թշնամութիւնից:

Աւելի մանրամասնել չենք կարող: Հայ քաղաքական ղեկավարութեան պարտականութիւնն է՝ որոնել եւ գտնել միջոցները, ձեռընթափ չլինել երբեք: Մեր վերջնական համաձայնութիւնը ոչ միայն անդրկովկասեան, այլ եւ արտաքին հարեւանների հետ՝ պիտի դառնայ մեր գլխաւոր մտահոգութիւններից մէկը: Հայաստանը դուրս պիտի բերել իր կղզիացած վիճակից: Եւ դա պիտի անենք համաձայնութեան ճանապարհով, հեռու պահելով մեր երկիրն ու ժողովուրդը նորանոր անաւոր վրտանգներից: Պիտի անենք այդ՝ առաւելագոյն զոհաբերութեանց դնով իսկ: Այդ չի նշանակոււմ, ի հարկէ, թէ լքել պէտք է սեփական ուժերի կաղմակերպումը եւ հաւաքումը: Ըստ ինքեան հասկանալի խնդիրների մասին չեն խօսում: Չեն խօսում մանաւանդ բարձրաձայն: Բայց, խելքը գլխին մարդիկ չեն էլ դերագնահատում այդ ուժերի իրական արժէքը, ոչ էլ ստորագնահատում դիմացիների կարողութիւնը նոյն այդ մարդում: Թէ ի՛նչ պատկեր է ներկայացնում իրական վիճակը նաեւ այդ կողմից, պարզ է ամէնքիս համար: Այդ եւս ուրեմն պիտի հարկադրի մեզ, մէկի փոխարէն բազմաթիւ ուղիներ որոնելու:

\* \* \*

Ամփոփենք եւ աւարտենք:  
Պատմական դէպքերի բերումով հայութիւնը այսօր որպէս ազգային-քաղաքական միաւոր՝ անդրկովկասեան ժողովուրդ է դար-